



Kamis, 26 November 2020
Ogen: Kuan-Kuanen 8:33-35



Pentar I bas Tuhan



Sekalok anak lit bas otakna sinigelari "mindgen" enda sada biak anak si merincuh rusur meteh kai si mbaru. Erdandanken si e maka megati ia merincuh ikut ras orang tuana. Ku ja pe kita berkat adi ia anak balita dengan maka nina "aku ikut." Beda ras anakta adi enggo remaja tah permata maka suruh pe ikut magati la nggit ikut. Anak batita kai pe merincuh ia metehsa. Idahna kacamata bapana merincuh ia makesa. Idahna udan merincuh ia udan-udan. Idahna lilin gara merincuh ia ndadapsa. Emaka arus kita metenget njagaisa erkiteken rincuhna meteh kai pe si mbaru man bana.

I bas kita kalak mbelin (dewasa) banci la nai lit si ndube lit tupung kita kitik denga. Enggo si akap kai pe si eteh erndandake sie maka lanai nggit erlajar. Bagi si lit si genduari enggo si akap kita si hebatna, enggo kuh pengalamen. Adi bage caranta rukur maka i bas paksa si la ndekah minter me kita kalak si ketadingen ras banci ka sekaligus tadingken kalak. Kuidah sada produk "odol gigi." Ia pemilik merek pemena, janah ia si populerna tapi la pernah ia ngadi erban produk baru. Erdandanken sie maka ianggarkenna biaya si labo sitik guna erban penelitin produks baru. Emaka lit lalap produk baruna amin gia produk lama tetap erdalan. Bage me maka amin gia melala produk baru rehen la ia talu erkiteken lit rusur si mbaru ibanna.

Bage me i bas ogenta sendah maka isuruh kita megermet dingen jadi kalak pentar. Kuncina eme erlajar terus, jenari megermet dingen njadikan kerina jadi pelajaren guna kemajun i bas kerina pendahinta.



Blank writing area with a wavy top edge.